

山西通志卷第八十五

山西巡撫都察院右副都御史臣覺羅石麟

首修輯

名宦三

統轄

明

徐達字天德濠人洪武元年拜大將軍命趨山西襲擴廓營
盡降其軍遂克太原乘勢收大同會馮勝軍破賀宗哲於
石州山西盡平五年復出中道達封魏國公官太傅中書
右丞相叅軍國事十八年卒追封中山王謚武寧

傅友德宿州人洪武元年略大同還下正保從攻山西擴廓
自保安來援萬騎突至友德以五十騎衝却之因夜襲其

營擴廓倉皇遁去追至天門關獲其士馬萬計復敗賀宗
哲於石州後封潁國公二十四年出練兵山陝總屯田事
二十五年練軍山西二十七年被害後追封麗江王謚武
靖

曹良臣安豐人爲行省左丞洪武元年略地至澤潞晉山西
行省平章三年封宣寧侯五年戰沒於阿魯渾河贈安國
公謚忠壯

何真字邦佐東莞人少英偉好書劔元末據廣東爲行省左
丞明洪武元年來附真喜儒術讀書綴文爲山西右布政
使尋封東莞伯卒

熊鼎字伯穎臨川人元末舉於鄉鄧愈薦之留幕府洪武時
爲晉王府右傅坐累左遷大同衛知事復授晉王府叅軍

八年改岐寧衛經歷朶兒只叛罵賊被殺立祠

張孟兼浦江人與修元史劉基嘗爲太祖言今天下文章宋濂第一其次卽臣基又次卽孟兼用爲山西僉事廉勁疾惡糾摘奸猾吏民間張僉事行部凜然墮膽聲聞於朝擢山東副使抗布政使僧吳印被害

龍鐔字德剛江西萬載人洪武十三年貢爲國子生授浙江按察司副使降長洲知縣陞晉府長史建文中靖難師起朝廷徵兵於晉鐔以大義力主發兵靖難後詔械鐔至不屈死之

彭通字萬里南海人洪武中累官山西布政司叅政通由儒士任給事中轉御史奉命巡東郡用事者遺以金辭不受及涖叅政河東運司匿羨餘廉得之寘于法有吳印者故

五臺寺僧也。以才辨受知爲陝西方面官家人橫肆偶以
事干通通直其罪斥辱之條其事以聞尋以年老致仕
爲人恭謹外柔而內剛雅善詩爲太祖所稱太祖嘗爲
善大夫宋濂賦醉學士歌通磨和焉

韓宜可字伯時浙江山陰人洪武時爲監察御史號剛直罷
歸已復徵至特授山西右布政使以事安置安南建文時
拜副都御史卒是夜大星隕櫪馬皆驚嘶人謂宜可當之
云

王彰鄭州人洪武間布政司左叅政廉直無私官吏咸服

呂震字克聲臨潼舉人洪武間按察司僉事明敏有爲聲譽
大振永樂中歷官禮部尚書凡郊廟祀祭燕享賜賚朝
會同之事皆裁定其手歷事仁宣咸蒙委任尤善推誠

士士由震出者皆爲顯官

徐讓布政司理問材氣磊落有口辨建文時應募齎書物至北平議和解兵受而不荅還授衛鎮撫軍前差遣戰歿華克勤洪武間左布政使有政聲屢蒙勅獎諭

王敬先偃師人博通經史工文辭洪武間以賢良舉授山西布政司左叅議

宋文祥符人性資醇厚學行兼備洪武中以隱士薦送京師授山西按察司副使廉能稱著風紀肅然

宋禮永寧人洪武間按察司僉事持法嚴明人莫敢犯陞陝西布政使後遷工部尚書

周幹劉陽人洪武間貢入太學授山西布政司照磨廉慎有爲大著才名永樂中歷陞浙江布政使有惠政及民

五臺寺僧也。以才辨受知爲陝西方面官。家人橫肆偶以
事干通通直其罪斥辱之條其事以聞尋以年老致仕
爲人恭謹外柔而內剛雅善詩爲太祖所稱太祖嘗爲
善大夫宋濂賦醉學士歌通磨和焉

韓宜可字伯時浙江山陰人洪武時爲監察御史號剛直罷
歸已復徵至特授山西右布政使以事安置安南建文時
拜副都御史卒是夜大星隕櫪馬皆驚嘶人謂宜可當之
云

王彰鄭州人洪武間布政司左叅政廉直無私官吏咸服

呂震字克聲臨潼舉人洪武間按察司僉事明敏有爲聲譽
大振永樂中歷官禮部尚書凡郊廟祀祭燕享賜賚朝覲
會同之事皆裁定其手歷事仁宣咸蒙委任尤善推誠

勞多逋耗緩令卽山海貸之辰曰山西民貧而悍急之
恐生變不如緩之使自通不無用其言卒無逋者內艱歸
軍民詣御史乞留御史以聞服闋還舊任宣德三年召爲
南京工部右侍郎初命舉古六面官堪內任者蹇義以九人
薦上素聞辰名卽真授餘多試職正統時嘗與豐城侯李
彬轉餉大同歸卒辰重義輕利與山西同僚杜僉事有遺
言杜卒爲治喪資遣其妻子

徐永達字志道歸德人洪武丙子舉人宣德中以湖廣按察
使改授山西時永達方居憂詔奪情特賜璽書遣之永達
弱冠登鄉榜由教諭洊歷翰林侍經筵爲輔導官尋遷鴻
臚少卿皆稱職及涖山西劾治苛暴擒捕奸貪雖強禦不
避威望大著嘗持節王國所與鞍馬金幣襲衣悉辭不受

奉使交趾所贈貨寶值千金絲毫無所取比卒不能具棺故所至能樹風節云

于謙字廷益錢塘人永樂十九年進士爲御史宣德中上知謙才可大任手書謙名授吏部遂超遷兵部右侍郎巡撫河南山西年僅三十三謙感上知徧歷諸州縣察時所急事所宜興革卽具草言之一盡章數上三楊在政府皆重謙奏朝上夕報可英宗立奏免山陵役夫萬七千人正統初數上便宜事遇水旱輒立奏六年疏言今河南山西積穀各數百萬計臣欲於每歲三月令府州縣申報缺食下戶隨分支給先菽秫次黍麥次稻俟秋成償官而免其老疾及貧不能償者府州縣吏秩滿當遷卽預備糧儲未足不聽離任仍令風憲官以時稽覈詔可自是儲備充溢境

內數千里民無水旱憂又以大同懸塞外請別設御史
之而盡奪其鎮將之役卒私墾者爲官屯邊用亦溢在官
九歲遷左侍郎食二品俸謙每議事京師空行無所齎
要多憾之通政司李錫阿中官王振指劾以久不遷怨望
遂下法司論斬繫獄三月山西河南吏民伏闕上書請留
謙者以千數周晉諸王亦言之乃赦謙以大理少卿復往
巡撫謙前後在任十九年兩丁內外艱詔皆許歸治喪旋
起復至正統十三年以兵部左侍郎召明年遂有土木之
役晉兵部尚書功在社稷天順元年正月丁亥棄市陰霾
四合朝野冤之成化初復官宏治初加贈特進光祿大夫
柱國太傅謚肅愍萬歷中改謚忠肅

蕭伯剛邠州人永樂末舉人歷任山西僉事能振揚風紀致

仕歸

喬誠朝邑人太學生歷官勤能陞山西左叅政處心忠信措事寬平人稱爲長者

蔡彬武邑人永樂中由太學生歷任勤能陞山西左叅議有惠政及民

趙紳歷城人舉人永樂間授御史激揚有聲以劾尙書金連出爲揚州同知陞山西叅議卓然有聲轉江西以老疾致仕朝廷念其廉介賜半俸養老

周道朝邑人永樂間舉人山西僉事有惠政卒於官喪出遮道哭奠三日不得行

王琦字文進浙江仁和人永樂中舉人授汝州學正正身範物生徒爭自濯磨正統中陞山西按察僉事提督學校士

風丕變以母憂去起復四川兵備道時蜀盜甚熾琦捧檄
星馳盜聞風解息蜀競異之尋乞致仕卒

張廊汶上人永樂間解元任教諭陞山西按察司經歷承檄
執妖賊勦敵屢立奇功陞德慶州知州母卒廬於墓側詔
旌其門累官鳳陽知府

張政廣德人洪熙間以御史巡按山西明年復命陞本省按
察使賜鈔一千緡馳驛赴任政暇以經學授士子士子多
所拔擢

黃常祖字邦經世居閩之涵江永樂壬辰進士歷官部曹有
聲後薦陞山西布政使司左叅議并晉地瘠民貧值歲凶
多流亡常祖奏乞招徠聽免徭役三年悉復業平陽界上
有盜聚千人爲害常祖推誠諭之不旬日皆降附正統十

年致仕歸

劉珏字廷侯長洲人宣德時以應天鄉薦授刑部主事遷山西按察僉事提督屯田操履清白人不得以私干之性孝友工詩年五十乞致仕著有完菴集

朱鑑字用明晉江人舉鄉試宣德中用薦爲山西左叅政居數年晉右布政司郕王監國就擢左副都御史巡撫其地上言宜重將帥事權悉罷監軍中貴整散兵募勇士重懸賞格鼓勵義旅上嘉納之時寇窺塞下鑑日夜爲守禦計修築各州縣及沿邊城堡聚置騎甲計萬餘召募壯勇萬七千人旣而移鎮雁門寇引去三年侍郎鄒幹黜陟山西多所論劾鑑請召幹還論鑑徇護召還院致仕卒

方政全椒人襲濟陽衛千戶宣德十年爲大同總兵官中官

鄭敬誣政專擅楊士奇等言政勤廉公正善撫士敬貪其言誣也乃降勅責敬秋劾副總兵曹儉罪奪其職正統元年上言征調軍士應支口糧行糧者不當減其月糧軍餘墾地已許免稅不當復徵屯田歉收請量蠲免詔竝允行晉右都督四年討麓川力戰死贈威遠伯謚忠毅

朱冕沂州人榮之子也嗣武進伯宣德中以晉王濟熿新廢命鎮山西正統四年佩征西將軍印充總兵官鎮大同九年出塞捕寇十四年北征戰于陽和死之謚忠愍

白圭字宗玉南宮人正統七年進士除御史巡按山西辨疑獄百餘部檄朔州課鈔益三之二圭疏爭復三十取一之舊從駕土木脫還景帝命往澤州募兵後仕至兵部尙書卒贈少傅謚恭敏

左鼎字周器永新人正統七年進士巡按山西英宗北狩悉心畫戰守時兵荒洊臻請蠲太原諸府稅糧停大同轉餉夫以蘇其困也先請和抗言不可引宋景德靖康事爲鑒鼎善草章奏京師語曰左鼎手練綱口後爲左僉都御史卒

陳泰字吉亨光澤人舉鄉試第一正統時爲御史巡按山西乞量增羣臣祿廩格不行泰素勵操行三爲巡按懲奸去貪威稜甚峻邸王監國于謙薦守紫荆關以關門不守論辟宥之景泰元年遷右僉都御史節制紫荆倒馬諸關後謝政卒

王綱上高進士正統間爲右布政使爲人行止端方執法不撓自御史歷官布政所至有聲後致仕

熊時安福進士正統間任右叅議政餘以春秋之學淑人

楊璿字叔璣無錫人正統己未進士通敏有操執不以利害爲趨舍由主事遷郎中晉山西右布政定民差役均平無獎晉都察院右副都御史巡撫河南卒于官

石璞字仲玉臨漳人以御史遷江西按察使晉山西布政使剛直有治才刁民奸吏胥畏方議修堯廟一夕大風拔木積廟前皆棟梁材後進工部尙書正統時進太子太保改兵部尙書景帝初出募山西義勇又出理大同軍餉後掌南京都察院事成化初致仕歸

倪敬字汝敬無錫人正統十三年進士擢御史景泰中巡按山西奏罷入粟補官令戍將侵餉者悉按治豪猾斂手後復以直言謫典史遷督府都事卒

祝顥字維清江南長洲人正統間進士景泰中任山西布政司叅議專督糧儲時大寇之後倉府空竭飢民流散顥招亡撫存條法曲盡進階右叅政仍督糧儲以晉俗少文思振起以儒術廣選俊秀充生徒躬親教授表揚遺徽以爲法式嘗以洪洞地里傳舍皆以臯陶爲名褻古聖人因爲改正竝建祠葺墓復修二賢祠于聞喜祀裴趙兩公新明道先生祠于澤州以伊川先生郝左丞經配焉天順中汾州妖賊作亂就擒首謀止十六人顥以罪坐首事不欲多傷善類又以改年僭號不可僅以盜聞乃以十六人爲謀反上奏得旨如議顥行部封內往往駐車問民間利弊力爲興除過高山大川及古昔名人宅里祠墓登臨謁吊一時詩版流傳海內皆推大手居叅政七月上疏請歸